

**Artaletto de Bèu-Caire**

# **Moun Massapan de d`ati**



**C.I.E.L. d'Oc**

*Centre International de l'Écrit en Langue d'Oc*

3 Place Joffre, 13130 Berre L'Étang

# MOUN MASSAPAN DE DÀTI

Lou Massapan de dâti d'Artaletto de Bèu-Caire, pèr sa naïveta, coume pèr lou noum que porto, me reviéudo un remèmbe de moun enfanço la plus liuencho.

En aquel age d'innocènci ounte avèn tóuti passa, de-fes demandave à ma maire:

— Ansin, ounte anerias me querre?

— T'anerian querre, me respoundié, à la fiero de Bèu-Caire. Venguerian vers lou Prat, à la cabano ounte vendien lis enfant de neissèncio, e lou marchand nous diguè:

— De-que voulès, li femo? un drole o uno chato?

— Un bèu drole, iéu faguère.

— Eh! bèn, tenès, femeto, destapas li massapan: li drouloun soun à drecho, e li chatouno à gaucho.

En efèt, countuniè ma maire, i'avié sus lou taulié dos renguiero de massapan, coume aquéli loungaru moute vèndon li dâti, e n'en destaperian à-de-rèng uno dougeno. Dins chascun i'avié 'n pichot: n'i'avié de bèu, n'i'avié de laid, e la plus-part èron endourmi; mai, coume durbiguère lou massapan ounte ères tu:

— Oh! lou poulit bloundin! criderian, fau prene aquest! — E tant-lèu, pèr te reviha, iéu te faguère la guereto:

— Grand front! bèus iue! nas de couan-couan! bouco d'argènt! mentoun flouri! gueri, gueri, gueri!

— E'm'acò, zóu! te revihères risoulet, — e t'aduguerian à Maiano, dins aquéu massapan qu'es dins lou gardo-raubo e que ié tène mi jouièu. —

Bravo Artaletto, m'as demanda 'no bachiquello pèr metre en tèsto de toun libre. Vaqui aquelo que iéu mete bèn voulountié sus ti bon dâti que m'an rapela Bèu-Caire e la meravihouso fiero ounte ma maire m'achatè.

F. MISTRAL.

Maiano, pèr Sant-Andriéu de 1907.